

آبونه شرائطی

ممالك عثمانیه ده سته لکی (۶۵) آلتی ،
یلغی (۳۵) غروشیدر
ممالك اجنبیه ده سته لکی (۱۷) ، آلتی
ایلغی (۹) فرانقدر .

اداره خانه

باب عالی جاده سنده دائره مخصوصه

افطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ابدلین یازیلر اعاده
اولونماز .

الکشاف

۱۳۳۰

دینی ، فلسفی ، علمی ، ادبی هفته لقی مجموعه اسلامیه در .

صاحب و مدیر مسئول

اشرف ادیب

باش محرر

محمد عاكف

والله يهدي من يشاء الى صراط مستقيم

اتبعون اهدكم سبيل الرشاد

افطارات

رساله مزدن آلتدیغی کوسترلک شرطیه
بتون یازیلر هر هانکی برغزته طرفندن
اقتباس اولونه بیلیر .

§

مکتوبلرک، امضالری واضح و اقوناقلی
اولسی و آبونه صره نومروسنی محتوی
بولونمسی لازمدیر .

§

ممالك اجنبیه ایچون آبونه اولانلرک
آدرس لری نك فرائسزجه ده یازلسی رجا
اولنور .

§

پاره کوندرلدیکی زمان نه به دائر اولدیغناک
واضحاً بیلدیرلسی رجا اولنور .

ایرانیلر اوزرنده برکونا تاثیر اجرا ایدمهیه جگنی ادعا ایدن اسکیزلرک (تائیس) غزته سنک نشریات وافادات بدخواهانه و بدبینانه لرینه رغماً حقیقت حال کنسیدینی کوسترنج تائیس بیله حیرتده قالدی. کرک تائیس کرک انکیزلر، اسلامیتک افریقاده و آسیاده دها شایان حیرت و غرابت جلوه لرینده انشا الله یقینده کورمکه کبر و عظمتلرینک، واهی ادعایلرینک هیچانکی او کره نه جکلردر. « هذا من فضل ربی »

دشمن آتشت پرست باد بیمارا بکو
خاک برسرکن که آب رفته باز آمد بجو

س . م . م . توفیق

مکاتبات

سرای بوسنده دن :

دارالخلافه سبیل الرشاد جریده علیه سینه

بوسنده اعلان جهاد

غازی خسرو بک جامع شیرینده احتفال دینی

دارالخلافه العلیه ده جهاد اکبرک اعلانی اوزرینه عموم عالم اسلام غلبانه کلدی. بزه بوسنده هر سبک مسلمانلری خلافت اولان مربوطیتهمزی هر آن اعلاندن چکنم دیکمز کی یر یوزنده کی اسلاملرک قبله کاهی بولنان خلافت اسلامییه قارشو دشمن دین مین طرفندن اشعال اولسان نأره حرب هنکامنده بدناً و مالاً ایضای وظیفه دن کری قاله مزدق. عالم اسلامک هر گوشه سینه ایصال ایدلمسی لازم کن فتاوی شریفه بورایه دخی واصل اولدی. دونکی جمعه کونی احتفالات لازمه ایله امر مشیختپناهی به امتثالاً تذکره مشیختپناهی ایله برابر فتاوی شریفه نیک اصلی و ترجمه سی لسان محلی ایله او قوندی.

احتفالاته شوصورتله باشلانمشدر : ۲۳ محرم سنه ۱۳۳۳ جمعه نمازی قلندقدن صکره خطیب طرفندن سوره جلیله فتحک تلاوتی انناسنده منبرک قبوسی اوکنده اخذ موقع ایدن رئیس العلمامن ، حرمین محترمین پایه لورندن فضیلتلو حاجی محمد جمال الدین افندی حضرتلری منبره چیمه نه باشلادی، وهر آیتک ختامنده برقدمه ایلولیه رک خطیبک طور دینی ره قدر کلدی واوراده فتاوی شریفه یی تبرکاً دست احترامنده طوتدینی حالدیه توقف ایتدی. قرآن کریمک تلاوتی متعاقب آیغه قالدی و مقامه مناسب بلیغ بردعا اوقودی. بعده جماعته قارشو سبب اجتماعنی مختصراً لسان محلی ایله افاده ایدمک فتاوی شریفه نیک قرائته باشلادی. جماعت مسلمانین ؛ محشردن نمونه نما دینله جک قدر غلبه لک ایدی. دبه یلورم که : هیچ بوقدر غلبه لک کورولمه مشدر. جماعت اسلامییه نیک برچوقلری کوز یاشلریله مستغرق اوله رق قائماً کمال خشوع و خضوع ایله استماع ایدیورلردی. بودرجه تواضع طوغروسی آنجق مسلمانلرده بولنه یلور. ایکی

عثمانی قطعانیه ایران مجاهدلرینک هریرده ، خصوصیه تبریزده نائل اولدقلری حسن قبول ، سراسم استقبال، اعزازوا کرام، قلمله توصیف و تعریف ایدیه میه جک قدر فوق العاده در. اسلام مجاهدلری، غازیاری غایت ظریف و محترم بر طرزده انشا ایدلمش بر (طاق ظفر) آلتده ، صفوف مستقبلین آراسندن یکم مشدر. عثمانی ، ایران یایراقلری حار و صمیمی و امثالی نامسبوق صورتده آلفیشلاشمش و عثمانی ضابطلرینه کوچوک ، معصوم قیزلر طرفندن چیچک دمتری ، بوکتلری تقدیم اولنوب اوزیه و صاف طویغولر : علوی منظره لری بیکلرجه حضاری فرط سرور ایله آغلاشمدر. جناب حقه بیکلرجه شکرلر، حمد و ثنای اولسون .

دها بر قاج کون اول وحشی ، خونخوار موسقوف قازاقلرینک مردار چیزمه لرله کیرله ن بومقدس اسلام یوردی ، بوکون ینه اسلام مجاهدلرینک موجودیتلریله تطهیر اولونمش واورالده ، اهالییه ، علمای دینه ، مؤسسات اسلامییه ، شرف و ناموس خلقه دقیقه باشنده وسائل شتی ایله تحقیراتده بولونان اسلامیت دشمنلرینک موجودیتندن بر اثر قلامشدر. اوج سنه اول محرمک اوتخی کوننده موسقوفلر طرفندن ظالمانه ، غدارانه ، یک فجیع بر صورتده اعدام ایدیلن مرحوم (ثقة الاسلام) ایله رفقا سنک انتقاملری بلغاً مابلغ آلدی. مستبد روسیه چارینک یکنی میان دو آبد ، صاحب لاق قونسولوسی (اورمیه) ده تلف اولدیلر. کلیتو طوب ، تفک ، مالزمه روسلردن اغتنام اولدی .

بوکون عثمانی و ایران ارسلانلرینک وجهه عزیمتلی (جولفا) وقفقاسیه جهتلیدرکه ، یاقینده مذکور مجاهدلرله التحاقلری محقق اولان (شاهسون) و (قره طاغ) عشرتلیله ، ایرانک (سته) شهرنده کواکلی یازیلان بیکلرجه مجاهدک یاردمیه ایران جهتندن موسقوفلره بویوک بر هجوم اجرا ایدیه جک و روسلری دفع و تشکیل ایتدکن صوکره اسلام اردولری ان شاء الله قفقاسیانک کوبکنی تشکیل ایدن (تفلیس) ده رلشه جکلردر .

ایرانک جنوب جهتده یشایان قبائل ایله اصفهان ایلیسنک جهاده اولان شوق و رغبت خبرلری ده بر ایکی کون اول تلغراف آژانسلری تبلیغ ایلشردی . قبائل مذکورده نکرمان طریقیه بلوچستانه کیده جکلری طبعیدر . بلوچ قبائلنک انضمام واشتراکیله هندستانه بویوک بر آقین اجرا ایدیه جکی متصوردر . انشا الله ایلمک بهارده روسیه و انکلتربه عالم اسلام طرفندن خاطر و خیاله کلز حقیقی ضربه لر ایندیریه جک و خلافت عظمایک، اسلامیتک عظمت و قدرتی او کافرلره آچقدن آچغه طانتدیریه جقدر .

کوریلورکه ، عالم اسلام ایچنده الک حساس بر عنصر تشکیل ایدن ایرانلی قارده شلرمز بو دقیقه ده معناً ، ماده عثمانی قارده شلریله کفارک تجاوزاتنه قارشو برلشوب علمالریله ، رؤسا و مجاهدلریله خطبا و محررلریله میدان جهاده آتیلمشلردر. اعلان جهادک شیعیلرله

حاضرہ نك ايكي دولت قوی الشكیمه سنی متفقمنز قیلدی . بونده کی حکمتك درجه سنی تعیندن عاجز اولدینم ایچون ارباسنه ترك ایدیورم . شو قدر دیه بیلورم که : بوفرستی غنیمت بیهرک بوندن استفاده ایده بیلیرسهك بوسورتله یالکر موجودیت منوبه مزی دکل ، اسلامیق محافظه ایده بیله جکیز که : ان تنصروا الله بنصرکم » آیت جلیله سنك مضمونه ماصدق اوله رق حرکت ایتمش اوله جفمنز ایچون جناب حقندن نصرت ایستمکده حقمنز اولور . شبه سزکه نصرت الهیه بزه و متفقلمیزه یار وظهیر اولور ، نصیه که آثار ی نمایاندر . « وما النصر الا من عند الله » . . .

۲ صفر سنه ۱۳۳۳ بوسنه لی قارئکر

عبدالنصر

تاریخی بر سؤال

سبیل الرشاد جریده اسلامییه سی واسطه سیله
احمد رفیق بك افندی به

محترم افندم ،

بن چوچقلمك تحصیلنه سراقلی بر بابا ایم . ایکی اوغلم وار : بریسی اون ایکی باشنده ، دیگریده طقوز . بویوکنك درس لر نی هر کیچه کندم اوکره تیورم . کوچوکنك درس لر نی ده بویوکنه مذاکره ایستدیرورم . دون آقشام کوچوکنك تاریخ درسی مذاکره اولونیوردی . چوچقلمك انده مکاتب ابتدائیه و سلطانیه صنف لر نیه مخصوص اولوق اوزره طرف عالی کزدن بازیلان و « مسلمانلغی ایله رله تن ، عثمانیلر ایچون چالیشان بویوک آدم لر من » ی رقم صره سیله کوستون (تاریخ اوقوبورم) عنوانلی کتابکیز واردی . درس ۲۴ نجی صیفه ده ۱۴ نجی صره رفندمه بولونان صلاح الدین ابوبی حضرت لر ندن باشلا یوردی . چوچق اونق قارداشنه آکلاندی . صوکر صره (۱۵) نجی به کادی : « جنکیز خان » ! چوچق یته کتابک باشنده کی مقدمه یی تکرار ایدرک « مسلمانلغی ایله رله تن ، عثمانیلر ایچون چالیشان بویوک آدم لر من » دن اون بشنجی سی جنکیز خان در . « دیه جنکیزک بویوکنكنی آ کلامه به باشلادی .

— دور اوغلم ، دیدم ، بوراده ریا کلشلق اوله جق ! بوحریفه پت پرستك بری در . مسلمانلغی ایله رله تن ، عثمانیلر ایچون چالیشان بویوک آدم لر منک صره سنه هیچ برمناسبت و مجبوریت اولم دینی حالده ناصیل کیرمش ؟ . مسلمانلغی ایله رله تمك دکل ، مسلمانلغی مدھش بر صورتده پریشان ایدنلرک الک برنجیسی بوملعوندر . عثمانیلرک جدی ده بوملعونك شرندن قاچهرق قورتولمش ده بودولنی تشکیل ایتمش لدر . . .

چوچق حیرته قالدی : — مادام که اوله در ، دیدی ، یوکتابی یازان ذات نه به بوخرنی اونلرک آرمه سنه قاتمش ؟ بونك مسلمان اولم دینی . بزم دولتمزک اجدادی بونك شرندن قاچهرق قورتولم دینی بیلیمورمیدی ؟

— بیامی ایجاب ایدردی . فقط بر سهو ترتیب اولسه کرک ! . . سن کچن سنه (کوچوکنك تاریخ عثمانی) اوقومشك . اوکتابی بولده کتیر ، سکا برشی کوستره جکم .

چوچق ، کتبخانه یی قارشیدره رق بولوب کتیردی : — آ ، بك بابا ، بونكده اوزنده (احمد رفیق) یازیور .

— اوله یا ، بوده اونك کتابی . اونونك ی ؟ . . آج باقیه باش طرف لر نی !

براز قاریشدیریلنجه ایجاب ایدن صیفه (۱۸) بولوندی .

اوقوباقیم شورادن .

چوچق اوقومه به باشلادی :

ساعت قدر دوام ایدر بواحتفاله اسلامیتمك انحاسنه ساعی اولان اوج دولت ایله اونلره ظهیر اولان دول سائرتهك اسلاملره قارشو ایستک لری جفا و ناموششکن احوال دن اوزون اوزادی به بحث ایلدی . بزه ، خلافتك معنی بولنان حق طرفداری دولتمزک زیر حایه . سنده یز ، بختیارز . بوسعادتك الک بویوک دلیلنی ده بویله جه عاناً ایفای جهاده اجابت ایده بیلمک لکم تشکیل ایدر . دوشونمکی که دول محاسمه تحت اداره سنده یشانیان مسلمان قورده شلریمز نه حالده ؟ بونلر بزم کی بوفریفه نك ایفاسنده مکلف ایکن ادا ایده مملری نه بویوک مصیبتدر . ادا ایتمك ایستسه لر یا قانی بهاسنه ایفا ایدرلر ، یا هیچ ایده مز لره هر ایکی صورت ، کرک دنیا و کرک آخرتجه مشکلدیر . بونی بزه حایه ایمبراطوریده ایفا ایستدیکمز ایچون یوزیمز آق اوله رق حضور رب العالمینه ده حیقمقندن چکنمه یز . چونکه فتاوی شریفه نك اوامرینه تمایله اطاعت ایده بیلیورز .

وطنمزه ایفاسیله موظف اولدیممز خدمت عسکریه یی ادا ایتمکله بدناً اجاتمز ممکندر . مالاً ایسه هلال احرر اعانه سنه اشتراک ایله فریضه جهادیه یی ایفا ایدیورز . شم دیه قدر دوام ایدن حربده بزم بوسنه — هر سك مسلمانلر ندن موجودمزک بشده بری صف حربده بولنیورز که هیچ برملت موجودینه نسبتله بوقدر فداکارلق کوستر . مه مشدر ، دیسه م یا کیلمه مش اولورم . مالاً نه قدر فداکارلق لدره بولندیممزه میدانددر .

هم بالکر مسلمانلر دکل ؛ بوتون غزنه لر ، غیر مسلملرک سیله بو امر خبره اشتراک ایتم لر نی معلن بیان نامه لر نشر ایدیورلر . از جمله ویانده تشکل ایدن هلال احرر جمعیتك که اعضا لر ی هپ ناظرلر دن عبارتدر — نویه فرایه پره سده نشر ایستدیک بیان نامه شایان دقت در : « قره دکن وچناق قلعه بوغازنده دشمن سر میلر ندن حصوله کلن سیس آره سندن کونش بارلادی . هلالک نوار چهره سی عرض دیدار ایتسام ایلدی . آنک زیر جناحنده سکر یوز بیک مسلمان سونکوسی کوروندی . اعلا ی کلمه الله ومدافعه حق اوغرنده میدان جهاده آتیلدی . بونلرک کیمیسی پدر ، کیمیسی قردهش ، کیمیسی اوغل . . عینی مقصد ایچون بزمه برابر یکوچوچد برکتله کی چالیشیورلر ، بو اوقورده فدای جان ایدیورلر . رومیدرکه ؛ بونلر بویله جه استحقاکلره کومولی اولدقلری حالده دشمنه ، قیشه وهر مصیبه قارشو کوکس کرسونلرده بزم بوراده راحتجه اصرار اوقات ایده لم ؛ طبیعی دکل . ایشته بزم متفقمه ، اتفاقزک قوری برشکلدن عبادت اولم دینی کوسترمک ایچون هلال احرر اعانه سنه اشتراک لازم . هر نه قدر بزمه بویک اعانه لر احتیاجر شیدایسه ده اعتبار اعانه به دکل ، اعانه ویرنلرک چوقلغنه در ، که اصل مقصدده بودر ، بو حسن اخوتدر . ایلر و ، دائماً ایلر و ! ناکه نوار هلالی اسلام آفریقا و آسیانک کوبکنه دیکتجه به قدر دائماً ایلر و ! »

مسلمانلر ایچون ، عینی زمانده اسلامیت ایچون نه بختیارلق بزه شم دیه قدر ضعیف ایده ، سببی آره مزده کی تفرقه جولقی ایدی . شم دی ایسه احوالک شدائی ، مصائبک کثرتی عقلمزی باشمزه کتیردی . قصورمزی آکلادق . چالیشمقندن بشقه چاره نجات اولم دینی رأی العین کوردک . بوسورتله جنساب حق ده بزه مدنیت